



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia Catholica, Hoc Est Christianae Fidei, Qvam Ad
Salvtem Animarvm Aviti Avgvstae Domvs Saxonicae
Principes, Reges, & Imperatores coluerunt, Gloriosa
Confessio**

Cutsemius, Petrus

Coloniae Agrippinae, 1621

Serenissimo Et Reverendissimo Principi, Ac Domino, Domino Ferdinando
Archiepiscopo Coloniensis, ...

urn:nbn:de:hbz:466:1-11884

I
SERENISSIMO,
ET REVERENDISSIMO
PRINCIPI, AC DOMINO,
DOMINO

FERDINANDO AR-
CHIEPISCOPO COLONIENSI, S. R.
Imp. per Italiam Archicancellario, & Principi Ele-
ctori; Episcopo Paderbornensi, Leodiensi ac Mona-
steriensi; Administratori Hildesheimensi & Berch-
tesgatenfi; Principi Stabulensi Comiti Palatino
Rheni; Duci vtriusq; Bauariae, VVestphaliae, Anga-
riae, & Bullionis; Marchioni Francimontensi Co-
miti Loffensi, Longiensi, & Hornensi, &c.

Principi, ac Domino suo
Clementissimo.



SERENISSIME & Reue-
rendissime Antistes noster,
Princeps Elector, & Domi-
ne clementissime. Libel-
lus hic qui non tam hono-
ribus, quàm saluti apparatus est Serenif-
simi Principis Electoris & Domini, Do-
mini Iohannis Georgij, Ducis Saxoniae,
&c. vt sit, fiatque gratior, ac fructuosior,
commendatione, ope, & luce Serenita-
tis Tuæ indiget, quem idcirco ipsi, tan-
quam

A 2

quam

quam Principi meo, vt de opere, & auctore prius cognoscat, legendum, approbandum, & commendandum inscribo, offero, dedico. Causa, & argumentum illius est, vt Serenissimus Princeps Elector Saxonie in eo oculis clarè inspiciat trita rectæ ad cælum viæ vestigia, quæ omnes ipsius laudatissimi Maiores, à VVitikindo primo ad fidem Christi miraculosa Dei Omnipotentis gratiâ cõuerso, descendentes Principes, Reges, & Imperatores beatissimæ memoriæ fixerunt, ac posuerunt posteris quoq; suis calcanda; & vt iisdem ipse insistens, Principatû post breuē huius caducæ vitæ vsuram in cœlesti cum ijs gloria gerat sempiternum. Hoc, Serenissime Princeps, nouerunt omnes, ipse optas sapissimè, desideras vehemētissimè, speras cupidissimè, qui sacrosancto officio Pastor, & Archiepiscopus omnium salutem ex tota anima concupiscis, eā maximè in Capite multorum populorum, quàm libentissimè promoueres, in Principe, inquā, ad fratris instar amicissimo, Coelectore, Affine, cognato, & gradibus aliquot retro uolutis, Amitino. Etenim nō solum in
 memo-

DEDICATORIA.

3

memoria hæret vtriusq; firmiter, sed & in sanguine indelebiliter, omnes, quotquot Diuina Clemētia nobis in Germania reliquit superstites Principes Domus vtriusque olim ex fratre, & sorore; filio, & filia Augustæ memoriæ D. Ludouici Bauari in Regē Romanorū An. 1314. electi, ex Stephano Duces Bauariæ, ex Mechtilde, Friderici, cognomento *Grauis*. Thuringiæ Landgrauij, & Misniæ Marchionis &c. conthorali, Duces Saxonix stirpis VVitikindeæ oriūdos esse, neq; deesse alia recentiora & mutua inter vnus & alterius familiā connubiorum ad affinitatem, & cognationem firmandam exempla. Quare, Serenissime Princeps, Domine clemētissime, serena, quòd aiunt, fronte; precor, ac spero, suscipies hunc meum laborem, conatumque interpretaberis, ac promouebis ex affectu, & amore, quo Principem Coelectorem, de S. R. Imperio optimè merentem, ac meritum, multis modis tibi carissimum, amas, ac iugiter optas cum omnibus Christi fidelibus Catholicis viuere in S. R. Ecclesia foelicem hic, & beatum in æternum. Et vt ipsius

A 3

quo-

quoque subditi diuersarum ditionum
 populi, qui in virtute, ac laude aucto-
 rum suorum Principum plerumq; glo-
 riari, ac sibi cōplacere solent, vnā cum
 Capite, moderno Principe suo, ex le-
 ctione fortè eius hanc eandem, propi-
 tiantè Deo, foelicitatem consequi pos-
 sent, sponte, & motu proprio vertit hūc
 libellum ex Latino in vernaculū idio-
 ma quidam vir Nobilis Austriacæ de-
 uotionis, olim Lutheranus, nunc per
 Dei gratiam à bono tempore Catholi-
 cus, qui magnam iuuentutis suę partem
 in Academia VVitebergensi Iurispru-
 dentia studio detriuit. Vale, & viue pro-
 sperè, ac fēliciter, Serenissime Princeps,
 Domine longè clemētissime, Ecclesia-
 stici pariter & sæcularis ordinis Decus
 splendidissimū. Dabam Coloniae, sub le-
 tis noui huius vigesimi primi supra sex-
 centesimū, & millesimū anni auspicijs.

Serenit. Tuæ

Deuotissimus, & humillimus cliens

*Petrus Cutsenius, SS. Th. Doctor,
 insignis Collegiatæ Ecclesiæ D. Ge-
 reonis Coloniae Choriepiscopus, &
 Canonicus.*

SERE